

P O Z I V

ORGANIZACIJAMA CIVILNOG DRUŠTVA DA SE UKLJUČE U PROCES PREDLAGANJA OBLASTI DJELOVANJA IZ KOJIH ĆE SE FINANSIRATI, ODNOSNO SUFINANSIRATI PROJEKTI IZ BUDŽETA OPĆINE STARI GRAD SARAJEVO U 2016. GODINI

Općina Stari Grad Sarajevo poziva sve zainteresovane organizacije civilnog društva kao relevantne subjekte lokalnog razvoja da se aktivno uključe u proces predlaganja oblasti djelovanja na osnovu kojih će biti definisani projektni prijedlozi.

Kao i prethodnih godina Općina Stari Grad će iz Budžeta za 2016. godinu finansirati, odnosno sufinansirati uspješne projekte organizacija civilnog društva, s ciljem poboljšanja uslova života u lokalnoj zajednici.

U Budžetu Općine za 2016. godinu planirana su značajna sredstva za finansiranje, odnosno sufinansiranje projekata organizacija civilnog društva putem Javnog poziva u cilju poboljšavanja uslova života u lokalnoj zajednici.

U skladu sa strateškim dokumentima, oblasti djelovanja su: obrazovanje, kultura i umjetnost, zaštita okoliša, zapošljavanje, socijalna politika i zdravstvo, mladi i turizam, rodna ravnopravnost.

S tim u vezi, pozivamo sve zainteresovane organizacije civilnog društva da prisustvuju konsultativnom sastanku koji će biti održan 26. januara, 2016. godine (utorak) u Sali za vjenčanje Općine Stari Grad Sarajevo sa početkom u 11 sati i tom prilikom dostave eventualne prijedloge oblasti, odnosno podoblasti, u pisanoj formi.

Prijedlog treba da sadrži naziv subjekta/predlagača, prijedlog oblasti djelovanja uz kratko obrazloženje, ime i prezime predlagača/odgovorne osobe u organizaciji kao i kontakt podatke.

Prijedloge oblasti možete pogledati [OVDJE](#).

Sve dodatne informacije možete dobiti putem telefona Sektora za lokalni razvoj. 033/282-375 i 033/282-364 ili putem e-mail adresa: selma.velic@starigrad.ba : sanin.hadzibajric@starigrad.ba